

Gvangjsih Minzczu Bau

广西民族报 ganhhau: CN45-0036 B.2021 Nd.4 Ng.7 liggaeuq sincouj nienz ndwenngeih ngeihroek

Baihguenjbanh:

Gvangjsih Bouxcuengh Swcigih
Minzczu Cunghgyau Swvu
Veijyenzei

Biengauj okbanj:

Gvangjsih Minzczu Bause
Geizsoq: Gungh daih 3468 geiz
Geiz neix 8 banj

Siz Ginbingz Youq Soujduh Guh Yivu Ndaem Faex Caemhcai Giengzdiu

Daiqdaeuz Guh Hawj Vunzlai Cungj Gyaez, Ndaem, Hen Faexrum Heuswd Caez Cauh Ranzmbanj Gyaeundeih Hawj Vunz Dem Swhyienz Doxhuz Doxndeih

4 nyied 2 hauh banhaet, Cungh-gung Cunghyangh cungjsuhgi, goz-gyah cujsiz, Cunghyangh Ginhveij cujsiz Siz Ginbingz youq soujduh guh yivu ndaem faex caemhcai giengzdiu, bi daengz seizneix, raeuz guhdoih guh yivu ndaem faex, couhduw daiqdaeuz guh hawj vunzlai cungj gyaez, ndaem, hen faexrum heuswd, hawj vunzlai cungj rox dawzhwnj diuzrap ndaemfaex cauhs ndoeng, hawj gukcoj heuswd, hawj vunzlai ndawbiengz cungj gag rox guh, caez cauhs

diegyouq gyaeundeih hawj vunz caeuq swhyienz huzndeih caemhmaj.

Ngoenzde banhaet, gyoengq bouxdaeuz dangj caeuq gukgya Siz Ginbingz, Lij Gwzgyangz, Liz Cansuh, Vangh Yangz, Vangz Huningz, Cau Lozci, Hanz Cwng, Vangz Gizsanh daengj daengz giz ndaemfaex youq Bwzgingh Si Cauzyangz Gih henz Dahvwnhyiz, caeuq gyoengqvunz soujduh guhdoih guh yivu ndaem faex.

Mwh dajndaem, Siz Ginbingz doiq gyoengq ganbu ginzcong caemh youq

gyangciengz ndaemfaex de gangjavah, de naeuz bineix dwg bi guh yivu ndaem faex ndaej 40 hopbi lo. 40 bi doxdaeuz, daengx guk gak cuz lwgminz caezhoz gapguh, mbouj dingz mbouj duenh, benq diegdeih gvangqlangh gukcoj raeuz ngoenz beij ngoenz lai heu, diegyouq ndawsingz lajmbanj ngoenz beij ngoenz ndeiawj, guk raeuz baenz aen guk ndoengfaex gyalai ceiq lai ndeu. Hoeng, raeuz aeu uk singj rox gijneix, yaek cauhsbaenz aen Cungguk gyaeundeih, yaek hawj lwg-

minz youh deqmuengh gvaq saedceij gyaeundeih ndaej baenzsaeh, raeuz yaek aeu cingcuq guk raeuz ndoengfaex, rumheu cungjsoq mbouj gaeuq, majhwnj mbouj gaeuq ndei, itdingh laebdaeb roengzrengz, mbouj dingz mbouj duenh guh roengzbae cij baenz.

Gyoengq veijyenzei Cunghgung Cunghyangh Cwngcigiz, bouxsuhgi Cunghyangh Suhgicu, boux gozvu veijyenzei youq Baekging de daengj riengz ndaemfaex.

(ciuq Yinzminz Yizbau)



Lozcwngz: Gyoengq Bouxcoz Mulaujcuzy Gyangciengz Hag Lizens Aendangj

4 nyied 1 hauh, Lozcwngz Mulaujcuzy Swciyen Minzczunghgiz comz gyoengq bouxcoz Mulaujcuzy daengz gyangciengz "dieggaeuq Cunghgoz Gunghnungz Hungzginh Daihaet Ginh dwk ciengz ciengq Swbaj Fozswjau" hag lizens aendangj. Gyoengqde ciengq go hoengz, caiq doeg vahmieng haeu dangj, caeuq mbawgeiz aendangj hab'ingj, dauqneix boux gwzming lezsw daengj, baenzneix hawj gyoengqde lai rox gyaez guk caeuq swnjciengz gij cingsaenz gwzming saekhoengz. Ndaw doz dwg gyoengqde ciengq go «Mbouj Miz Gungcanjdangj Couh Mbouj Miz Cungguk Moq».

(Mungz Cwngghshw)

Gvangjsih Doekdingh Comzrengz Buekguh Sam Bi Doinyoengx Lajmbanj Hwnghoengh

Mboengqneix, Gvangjsih doekdingh guh aen hengzdoengh comzrengz buekguh sam bi hwnghat canjnieb, guh gihcuq sezsih, hawj lajmbanj lai ak fugsah vunzlai guhhoengh lajmbanj (bi 2021-2023). Cienmonz guh sam yiengh hengzdoengh couhduw hwnghat canjnieb lajmbanj, guh gihcuq sezsih lajmbanj,

hawj lajmbanj lai ak fugsah vunzlai; dajsuenq guh hanghmoeg 11000 aen doxhwnj, gungh roengz 7480 ik maenz. Comzrengz cienmonz guh sam yiengh hengzdoengh neix, gaenxmaenx comz gij cienzngaenz hwnqguh, gyavaiq doi hanghmoeg ndaej guh. Daengz bi 2023, canjnieb lajmbanj hwnghat lai vaiq, gij

hongbaenz gunggeng duetgungz caiq ndaej gya' maenh, gij gihcuq sezsih lajmbanj caeuq diegyouq vunzlai lienzdaemh ndaej gaij ndei, lajmbanj caiq lai ak fugsah vunzlai, guhhoengh lajmbanj duenh ndeu ndaej baenzsaeh.

(ciuq Swcigih Minzczunghveij)

(Cinz Mingzgei)

SIUSIK DINJ

● 4 nyied 1 hauh, Nanzningz Yinzsegiz ok siusik, bineix Nanzningz Si guh aen hozdung cienmonz couhduw "rumzcien hengzdoengh" youq geij ngoenz gonq guhsat lo, ndawde gungh miz 3765 aen/baez gizez camgya caemhcai ok 26 lai fanh aen vihhoeng, gungh miz 1.74 fanh vunz caeuq gij danhvei aeu vunz de doxdingh ndei lo.

(Yangz Boh)

● 4 nyied 2 hauh, ciuq Swcigih Gyauhdunghdingh ok siusik, daengx gih geiqdoh daih'it roengzciengz mauhgvaq 480 ik maenz hwnqguh gyauhdungh, beij bi' gvaq caemh duenh gyalai 297%, beij gij yinvu gaxgonq dingh de lai 20%.

(Vuz Libingz)

● Bineix 1 daengz 2 nyied, Bwzswz Si caeuq rogguek guh gaicawx 49.3 ik maenz, youq daengx gih baiz daihseiq; beij bi' gvaq caemh duenh gyalai 547.6%, youq daengx gih suenq de gyalai ceiq lai.

(Lingz Cungh)

● Suenq daengz bi' gvaq satbyai, Bingzsiengz Si gij gyaeujvunz hawsingz ciemq cungjsoq 73.36%, 10 bi doxriengz youq daengx gih cungj baiz daih'it.